

**Allagaateqarfeqarneq pillugu Inatsisartut inatsisaat nr. xx, xx. xx 2015-imeersoq**  
(*Ilinniartitaanermut, Kultureqarnermut, Ilisimatusarnermut Ilageeqarnermullu*  
*Naalakkersuisoq*)

**pillugu**

**Kultureqarnermut, Ilinniartitaanermut, Ilisimatusarnermut, Ilageeqarnermullu**  
**ataatsimiititaliap**

**ISUMALIUTISSIISUTAA**

**Siunnersuutip aappassaanneerpeqarnerani saqqummiunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap suliaqarnermini makkuninnga inuttaqarpoq:

Inatsisartunut ilaasortaq Steen Lyngø, Atassut, Siulitaasoq  
Inatsisartunut ilaasortaq Vivian Motzfeldt, Siumut, Siulittaasup tullia  
Inatsisartunut ilaasortaq Randi V. Evaldsen, Demokratit  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Iddimangiiu Bianco, Inuit Ataqatigiit

UPA2015-mi Siunnersuut ulloq 12. marts 2015 siullermeerneqarnerata kingorna  
ataatsimiititaliamit suliarineqarpoq.

**Siunnersuutip imarisaa siunertaalu**

Siunnersuummi matumani siunnersuuteqartup allagaateqarfeqarneq pillugu inatsisit pioreersut  
ullutsinnut tulluarsarlugit nutarterneqarnissaat siunertaraa. Siunnersuuteqartup  
siunnersuutikkut matumuunakkut allagaateqarfeqarneq pillugu inatsisit ullutsinnut  
naleqqusarneqarnissaat kissaatigaaa. Taamaalillugu siunnersuutikkut matumuunakkut  
nunatsinni allagaateqarfeqarnermi aamma qarasaasiatigut tusagassiuitit pisortatigoortumik  
ilanngunneqarnissaat siunertarineqarpoq.

Taamatuttaarlu Inatsisartut Ombudsmandiata kaammattuina tunngavigalugu ilaatigut  
kasiiliinermut aalajangersakkamik ilanngussisoqarluni.

Naggataatigut siunnersuummi aalajangersakkanik unioqquitsinermut malinninnginnermullu  
atatillugu kinguneqaatissiissutissanik sukaterinissamut periarfissiivoq.

**Siunnersuutip inatsisartuni siullermeerneqarnera**

Siunnersuutip matuma siullermeerneqarnerani partiit tamarmik siunnersuut tapersersorpaat annerusumillu oqaaseqaratik siunnersuutip atuuffissai ataatsimiititaliami suliarisassanngorlugu innersuussutigalugu.

Kisiannili Filmiliat TV-kullu aallakaatitassiat toqqorterneqartarnerat pillugu apeqqusiisoqarpoq.

**Tusarniaanermi akissutit**

Tusarniaanermi akissutigineqartut siunnersuummut ilanngunneqarput, tamannalu Inatsisartut siulittaasoqarfiata tunngaviumik ilusiliinissamut naapertuuppoq.

Siunnersuutip matuma tusarniutigineqarnera piffissami 3. juni 2014-miit 8. juli 2014-mut ingerlanneqarsimasoq ataatsimiititaliamit maluginiarneqarpoq. Tusarniaanerup sivissusaata naammaginanginera ataatsimiititaliamit oqaatigineqarsinnaavoq. Siunnersuummut nalinginnaasunik nassuiaatini takuneqarsinnaavoq KANUKOKA, kommunit, NUKAKA aamma Kalaallit Nunaata Katersugaasiviata allagaateqarfiatalu tusarniaaneq 08. August 2015-mut tusarniaanermut akissuteqarnissartik sivitsortissimagaat. Ataatsimiititaliamit Naalakkersuisut kaammattorneqassapput, soqutiginnittut tusarniaanermilu illuatungerisat susassaqtut tamarmik tusarniaanermut akissuteqarnissamut periarfissaqaannaratik taamaaliornissaminnut ilumut periarfissaqarnissaat piffissaqarfigeqqullugu.

Tusarniaanerup aasaanerani sulingiffeqarnerup nalaani pinera pissutigalugu piffissap tusarniaafiusup sivissususa naammangitsoq ataatsimiititaliaq isumaqarpoq.

**Ataatsimiititaliap siunnersuummik suliarinininnera**

Inatsisit ullutsinnut naleqquttut ataatsimiititaliamit tunngaviatigut Soorunami tapersersorneqarput, aamma allagaateqarfeqarneq pillugu inatsisit. Taamaattumillu ataatsimiititaliaq isumaqarpoq, pissusissamisoorluinnartoq inatsisit atuuttut allagaateqarfeqarnermi sulinermut naleqquttuussasut, taamaattumillu aamma toqqortat qarasaasiatigoornissaat inatsisitigut akuersissutigalugu.

Taamaattumillu Kalaallit Nunaanni allagaateqarnerup qulakkeerneqarneratigut kulturimut oqaluttuarisaanermullu kingulissagut eqqarsaatigalugit ataatsimut paasinnissimanerput annertunerusumik tunngavississavarput, aammalu siunnersuummi aalajangersakkamik matuminnga malinninneq pingaaruteqartoq oqariartuutigisariaqarpoq. Siunnersuummi matumani kinguneqaatissiissutissanut aalajangersakkat sukannernerusut atorlugit tamanna annertunerusumik anguneqarsinnaasoq ataatsimiititaliaq isumaqarpoq.

Filminut TV-kullu isiginnaagassiat toqqorterneqartarneranut tunngatillugit atuakkanik atorniartarfiit pillugit inatsit nr. 8. 8. juni 2014-meersuni § 11. imm. 1 aamma 2-mi

tuniussisussaaitaanermut aalajangersakkat ataanniippoq.

### **Siunnersuutip aningaasatigut kingunissai**

Siunnersuutip piviusunngortinneqarnerani siunnersuutip aningaasatigut kingunissai siunnersuummut nalinginnaasumik nassuiaatit ataanni allaaserineqarput. Tassani oqaatigineqarpoq pisortanut, namminersorlutik inuussutissarsiuteqartunut inuttaasunulluunniit aningaasatigut allaffissornikkulluunniit kinguneqarnissaa naatsorsuutigineqanngitsoq.

Siunnersuummut nassuiaatini erseqqissaatigineqarpoq periutsinik atuuttunik inatsisitigut allassimasunngortitsinissaq arlalitsigut kisimi pineqarpoq Siunnersuummut nassuiaatini i erseqqissaatigineqarpoq Kalaallit Nunaanni katersugaasiveqarfiup allagaateqarfiullu suleriaasiata maannakkut atuuttup ersarissarneqarnerata nutarterneqarneriinnaraa. Paasissutissiissut tamanna tunngavigalugu siunnersuummut aningaasatigut kingunissaritinneqartut pillugit tamakkiisumik nassuiaatigineqartut ataatsimiititaliamit nalilerneqarpoq

### **Ataatsimiititaliamit inassuteqaatit**

Ataatsimiititaliap **isumaqatigiittup** siunnersuut akuerineqassasoq inassutigaa.

Taamatut oqaaseqarluni isumaliutissiissummilu allanneqarsimasutut paasinnilluni ataatsimiititaliap siunnersuut appassaanniigassanngortippaa.

---

Steen Lynge, Siulittaasoq

---

Vivian Motzfeldt

---

Randi V. Evaldsen

---

Peter Olsen

---

Iddimanggiu Bianco Jensen